

Na osnovu člana 23. tačka 2., člana 55. tačka 2. i člana 104. Statuta općine Ilijaš ("Službene novine Kantona Sarajevo", broj: 20/09-prečišćeni tekst i 46/18), člana 99. Poslovnika Općinskog vijeća ("Službene novine Kantona Sarajevo", broj: 2/10, 18/15 i 7/19), a u vezi sa članom 3. Odluke o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj:13/10), Općinsko vijeće Ilijaš, na svojoj 9. sjednici, održanoj dana 28.09.2021. godine donijelo je:

## **Pravilnik o izmjenama i dopunama Pravilnika o stipendiranju i nagrađivanju izuzetno nadarenih učenika i studenata-prečišćeni tekst**

### **Član 1.**

U Pravilniku o stipendiranju i nagrađivanju izuzetno nadarenih učenika i studenata-prečišćeni tekst ("Službene novine Kantona Sarajevo", broj:2/16), u daljem tekstu: Pravilnik, u članu 1. brišu se riječi " i polaznika postdiplomskog studija" u alineji 2 i riječi " i polaznici postdiplomskog studija" u alineji 5.

U alineji 6, iza riječi: "do 06.aprila 1992.godine", dodaju se riječi: " pod uslovom da im je utvrđen status povratnika,".

### **Član 2.**

Član 2., se mijenja i glasi:

"Pravo učešća na konkursu za stipendiranje imaju izuzetno nadareni učenici i studenti: I, II, III i IV godine prvog ciklusa, I i II godine drugog ciklusa, I, II, III, IV, V i VI godine integrisanog studija koji nisu obnavljali godinu, a koji su u predhodnoj školskoj/akademskoj godini imali uspjeh u školi odnosno fakultetu i to:

- učenici srednjih škola sa najmanjom prosječnom ocjenom 4,80
- redovni studenti visokoškolskih ustanova sa prosjekom ocjena od najmanje 8,0 za fakultete iz grupacije društvenih nauka (Ekonomski fakultet; Fakultet za kriminalistiku, kriminologiju i sigurnosne studije; Fakultet političkih nauka; Pravni fakultet; Fakultet za javnu upravu), grupacije humanističkih nauka (Fakultet sporta i tjelesnog odgoja; Filozofski fakultet; Pedagoški fakultet; Fakultet islamskih nauka; Katolički bogoslovni fakultet), grupacije umjetnosti (Akademija likovnih umjetnosti; Akademija scenskih umjetnosti; Muzička akademija). Prosjek ocjena od najmanje 7,50 za studente fakulteta iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet; Rudarsko-geološki fakultet; Fakultet informacijskih tehnologija), grupacije biotehničkih nauka (Poljoprivredno-prehrambeni fakultet; Šumarski fakultet) i grupacije prirodno-matematičkih nauka (Prirodno-matematički fakultet-odsjeci za matematiku, fiziku, biologiju, hemiju, geografiju).

Pravo učešća na konkursu za stipendiranje imaju redovni studenti koji nisu obnavljali godinu, a pohađaju studijske programe na visokoškolskoj ustanovi kao javnoj ustanovi, iz grupacije medicinskih nauka (Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet; Rudarsko-geološki fakultet; Fakultet informacijskih tehnologija) i grupacije biotehničkih nauka (Poljoprivredno-prehrambeni fakultet; Šumarski fakultet), bez obzira na ostvareni prosjek ocjena iz prethodne akademske godine.

Pravo učešća na Konkursu za stipendiranje ima jedan učenik ili student, koji potiče iz porodice u kojoj se istovremeno školuje troje i više djece, bez obzira na ostvareni prosjek ocjena iz prethodne školske/akademske godine.

Pravo učešća na Konkursu za stipendiranje nemaju učenici i studenti koji obnavljaju godinu (upis na tekuću godinu drugi ili treći put) i apsolventi."

### **Član 3.**

U članu 3., stav 1, iza riječi "školsku", dodaju se riječ "/akademsku".

### **Član 4.**

Član 4. mijenja se i glasi:

"O stipendiranju učenika i studenata iz člana 1. ovog Pravilnika staraju se Služba za društvene djelatnosti i poslove mjesnih zajednica i Služba za privredu i finansije Općine Ilijaš.

Služba za društvene djelatnosti i poslove mjesnih zajednica će:

- zaprimati prijave na Konkurs;
- obezbijediti potrebne uslove za rad Komisije za provođenje Konkursa;
- po završetku Konkursa i izboru kandidata po odluci Općinskog načelnika, nastaviti sve dalje aktivnosti vezane za sprovođenje Odluke o izboru;
- pratiti realizaciju zaključenih pojedinačnih Ugovora o stipendiranju.

Služba za privredu i finansije će:

- vršiti doznaku sredstava stipendistima putem ovlaštene poslovne banke."

### **Član 5.**

U članu 5. dodaje se novi stav 2, koji glasi:

"Raspodjela sredstava može, po potrebi, biti i drugačija, u zavisnosti od broja prijavljenih kandidata za dodjelu stipendija za pojedine vrste školovanja."

### **Član 6.**

Član 6. mijenja se i glasi:

"Izbor kandidata za stipendiranje vrši se na osnovu prijave na Konkurs.

Konkurs raspisuje Općinski načelnik.

Konkurs sadrži:

- uslove i kriterije koje kandidati moraju ispunjavati;
- broj kandidata koji se stipendiraju;
- broj mjeseci za koje se stipendija dodjeljuje i mjesečni iznos stipendije;
- rok za podnošenje prijave;
- potrebne isprave koje se prilažu uz prijavu na konkurs;
- adresu na koju se prijava na konkurs može podnijeti i
- druge eventualno potrebne podatke.

Konkurs se objavljuje u dnevnom listu koji izlazi na području Kantona Sarajevo, zvaničnoj web stranici i oglasnoj ploči općine Ilijaš, najkasnije do 30.novembra tekuće godine.

Rok za podnošenje prijave na Konkurs za dodjelu stipendije iznosi 15 (petnaest) dana od dana objavljivanja Konkursa u sredstvima javnog informisanja."

## **Član 7.**

U članu 7. mijenja se stav 3. koji glasi:

"Svaki učesnik u konkursu mora biti pismeno obavješten o rezultatima izbora najkasnije u roku od 15 dana od dana izbora, a nezadovoljni učesnik u konkursu može podnijeti prigovor za zaštitu svojih prava Općinskom načelniku u roku od 8 dana od prijema obavjesti."

## **Član 8.**

Član 9. mijenja se i glasi:

"Stipendije su nepovratne ukoliko stipendisti redovno ispunjavaju svoje školske obaveze.

Roditelj (staratelj) izuzetno nadarenog učenika i izuzetno nadareni student, koji je potpisnik Ugovora o stipendiranju, dužan je vratiti sav iznos sredstava koje je primio za stipendiranje po osnovu ovog Pravilnika uz pripadajuću zakonsku kamatu, u roku od godinu dana, u slučaju ako učenik ili student napusti redovno školovanje ili ako izgubi pravo na dalje školovanje iz neopravdanih razloga.

Načelnik općine Ilijaš će putem Službe za društvene djelatnosti i poslove mjesnih zajednica i Službe za privredu i finansije, obezbijediti kontrolu sprovođenja odredbi Ugovora i po potrebi pokretati postupke za raskid Ugovora i nadoknadu sredstava."

## **Član 9.**

Član 10. mijenja se i glasi:

"U skladu sa potrebama i nivoom finansijskih sredstava utvrđenih Planom stipendiranja izuzetno nadarenih učenika u srednjem i studenata u visokoškolskom obrazovanju, Općinski načelnik dodjeljuje stipendije izuzetno nadarenim: redovnim učenicima srednjih škola i studentima visokoškolskih ustanova, o čemu informiše Općinsko vijeće"

## **Član 10.**

U članu 11. iza riječi "školsku", dodaju se riječ "akademsku".

## **Član 11.**

U članu 12., tačka b). brišu se riječi "i fakultetima".

## **Član 12.**

U članu 13. iza riječi "Fonda" dodaju se riječi "organizacije, udruženja".

## **Član 13.**

U članu 14., stav 4. iza riječi "Mašinski fakultet", dodaju se riječi "Rudarsko-geološki fakultet; Fakultet informacijskih tehnologija".

Briše se stav 6. člana 14.

## **Član 14.**

U članu 15. iza stava 1. dodaje se novi stav 2. koji glasi:

"Novčanom nagradom od 100,00KM nagradit će se učenici osnovne škole, nosioci priznanja "Najizvrsniji učenik", koji imaju prebivalište na području Općine Ilijaš, a priznanje su dobili za prethodnu školsku godinu u nekoj od osnovnih škola sa područja općine Ilijaš."

Dosadašnji stav 2., postaje stav 3.

U stavu 3. brišu se riječi "za odličan uspjeh iz svih nastavnih predmeta u toku cjelokupnog srednjoškolskog obrazovanja".

#### Član 15.

U naslovu "POBJEDNICI KANTONALNIH, FEDERALNIH I DRŽAVNIH TAKMIČENJA", ispred riječi "KANTONALNIH", dodaje se riječ "OPĆINSKIH,".

#### Član 16.

U članu 17., stav 1. dodaju se tri nove alineje:

- Izuzetno nadareni učenici osnovnih škola za osvojeno treće mjesto na općinskom takmičenju iz predmeta za koje takmičenje organizuje Kantonalno ministarstvo  
30,00 KM
- Izuzetno nadareni učenici osnovnih škola za osvojeno drugo mjesto na općinskom takmičenju iz predmeta za koje takmičenje organizuje Kantonalno ministarstvo  
40,00 KM
- Izuzetno nadareni učenici osnovnih škola za osvojeno prvo mjesto na općinskom takmičenju iz predmeta za koje takmičenje organizuje Kantonalno ministarstvo  
50,00 KM

Iza alineje 10. stava 1, dodaje se novi stav 2, koji glasi:

"Nagrada se dodjeljuje za jedan najbolji ostvareni rezultat na kantonalnom ili federalnom takmičenju, u prethodnoj školskoj godini, iz jedne nastavne oblasti za koju takmičenje organizuje Kantonalno ili Federalno ministarstvo."

#### Član 17.

Briše se član 18., 19., 20., 21., 23. i 24.  
Dosadašnji član 22. postaje član 18.

#### Član 18.

Iza člana 18. dodaje se novi član 19. koji glasi:

"Pravilnik o stipendiranju i nagrađivanju izuzetno nadarenih učenika i studenata-prečišćeni tekst ("Službene novine Kantona Sarajevo", broj:2/16) u ostalom dijelu ostaje neizmjenjen."

#### Član 19.

Iza novog člana 19. dodaje se novi član 20. koji glasi:

"Pravilnik o izmjenama i dopunama Pravilnika o stipendiranju i nagrađivanju izuzetno nadarenih učenika i studenata-prečišćeni tekst" stupa na snagu danom objavljivanja u "Službenim novinama Kantona Sarajevo"

Broj: 01/1-02-2040-11/21  
Ilijaš, 28.09.2021. godine



PREDSJEDAVAJUĆA  
OPĆINSKOG VIJEĆA ILIJAŠ

ALMA OMEROVIĆ